

異林序



江國宗侯工詩者十室而五鬱儀先生獨以著述名
海內謂六經莫深於詩與易也作詩故十卷以宣鬯
三百五篇之微言作易象通八卷以闡發二百八十
四爻之隱義疾緯候之汨亂三五典墳也作邃古記
八卷以糾正圖讖之危謬疾李斯之變壞頡誦舊文
也作古文音字輯解十二卷以復還先聖王之制作
以鍼砭漢世解詁之沈痾至它書禮春秋魯論大戴
莫不各有箋疏以辯駁拘儒之固陋其有功聖學豈
在商偃公穀下哉茲又整齊百家雜史所載千百年

以來異常之事作異林十有六卷簡要詳博前無古人蓋因萍實商羊防風夔罔之有問而豫荅焉亦宣尼記錄童謠之意乎先生無書不覽無事不知上而星緯歷數次而堪輿醫卜太乙壬遁河洛諸學皆窮極微妙其精神之用如長江大河無所不灌也緝熙名理羽翼道業勤勤懇懇無往而非誨人也是故著作日富譽聞日高海內有識者無不知南州之有鬱儀先生萬曆辛卯給諫葉公初春察先生學行薦于朝繼而撫臺邊公維垣按臺陳公倣交章舉先生紹通侯之章理石城國事公族有所平反無不折中先

生者始嘉隆間詩體大壞先生特用盛唐法振起之號豫章五君遠近慕焉逮于今三十餘年人知向方不復蹈瑯邪下雉之轍則先生之力居多弘獎風流標榜來哲豈不偉與先生淵靜端簡不慕汲援古貌古心嗜義如渴家庭之內儼若朝典誠孝之至通于神明嘗感夢祖考輔國君告以病水者三先生轉語諸父兄弟不信也會群從暴卒物故者十餘輩先生不能忍遂自發之曾妣暨太父母墓中皆水力求吉壤于西山改葬焉諸父始遜謝自咎世之談者謂先生經學似楚元王才敏似陳思直諒多聞似劉向鎮

嘗與謝曰可比部侍焦太史公談及斯語太史正色曰是烏能知鬱儀鬱儀制作精微博奧一依六經莫可簡選以言王室懿親則姬文公其人乎邢子愿太僕與建武王民法語江右人物謂先生志則高于泰山喬岳學則詣于美玉精金兩君子其知言哉鏤辱先生門婿不敢阿私此天下之公言也故并紀之先生水經注箋文心雕龍校本皆已盛行獨金海百二十卷尚未脫草因異林之成寄鏤桐城鏤卽桐城梓焉以廣其傳附數語如右子婿臨川帥廷鏤頓首撰

異林目錄

第一卷

大年

仙釋

早慧

第二卷

相表

才性

多男

族義

第三卷

貴盛

久任

使節

貞烈

第四卷


先知

通禽語

服食

異產

第五卷



異木
殊長
殊短
殊力
奇疾
奇夢

再生
變化

第六卷

名勝
形氣

第七卷

第宅
丘墓

第八卷

土宜
山異
地異
水品

第九卷

水異
火部
金異

第十卷

珍恠

第十一卷

天變

第十二卷

木異
異草木

第十三卷

鳥獸

第十四卷

鱗介
物化
雜事

第十五卷

夷俗

第十六卷

夷俗

異林卷之一

南州朱謀瑋鬱儀纂

大年

周穆王一百三十四歲召公奭一百八十歲出王克論衡

一云召公百一十九歲竹書紀年太公望百四十歲金石錄

老聃生于殷時為周柱下史轉為守藏史積八十餘

年入大秦時蓋二百餘歲高士傳卜子夏一百三歲出容

筆齊隨漢文帝得魏文侯時樂人竇公百八十歲兩目

皆盲出桓譚新論齊東宮得疾隱居嵩岳壽三百餘歲出嵩

志漢霍光典衣奴還車得見北斗九星壽六百餘歲

玄門寶晉太康中田宣隱于高唐縣鳴石山遇異人

王仲倫自言周宣王時入少室山學道與宣一石如

雀卵含之百日不饑自周宣王至晉初得十九甲子

蓋一千一百有餘歲出西陽雜俎後魏正光初有隱士趙

逸來京師云是晉武時人晉朝舊事多所記錄號為

聖人不聞養生自然長壽言郭璞為吾筮壽五百今

始逾半蓋二百五十矣洛陽伽藍記魏侍中羅結一百七

歲猶摠三十六曹事百二十餘乃卒出北史梁鍾離思

遠百一十二歲凡七娶妻有子十二人出南史漢丞相

張蒼年老吮婦人乳汁得百八十歲抱朴子荆州上津

人張元始年九十七方生兒兒遂無影元始百一

十六歲乃卒出南史梁武帝太清元年海中浮鵠山有

女人年三百歲遣使獻紅席有女道士四五百人年

竝出百歲出南史唐開元東封太原人于伯龍詣闕年

已百二十八歲其子老死兩孫隨行各年七八十歲

唐書唐南昌人錢朗累官光祿卿百七十乃卒出統志

唐會昌五年胡杲吉叟與白樂天于東都履道坊為

九老會洛中遺老李元爽年百三十六歲杲八十九

叟八十八劉真八十七鄭攄八十五盧真八十二張

渾七十七白居易七十四出白氏長慶集宋初羅浮山有陳

昆、林

崇藝者年百二十自言兒時見山下有船數十今去

海四里矣羅浮山記宋太宗時瓊州人楊遐舉年八十一

其父連叔年百二十二祖宋卿年百九十五竝存猶

有九代祖居雞窠中如小兒見人出頭下視不語不

食出洞又池州有一村皆查姓有翁媪兩人是其村

祖不知幾百歲各長三尺腦後一髻擁以緜衣唯露

首面兀如土木但目能運轉舌能舐酒夷堅志

國朝親郡王壽考者肅恭王貢鏞東阿王泰壘俱八

十一益恭王厚炫堵陽安僖王同鉉內江莊懿王友

藩襄陵恭惠王範址樂平定肅王冲燹俱八十二襄

陵安穆王徵鈴唐山恭懿王勛澂俱八十三慶成恭

裕王表欒八十七安化惠懿王秩焘八十八襄垣安

惠王仕坯九十一坯子成鏊襲封年九十二見封長

魯孫克煌乃卒王弁州別集

國朝大臣眉壽至九十者陸文定樹聲九十七于穀

江侍郎治九十二諭議公冊魏文靖驥九十八劉文靖健

九十四王端毅恕九十三尚書胡公拱辰尚書陳公

雍大理寺卿葛公浩俱九十二王尚書學夔九十四

湛尚書若水應尚書大猷俱九十五南兵尚書郭宗

臯九十刑尚書錢邦彥喻茂堅俱九十一王氏別集

大臣八十以上者胡忠安澐韓司寇邦問蔣恭靖瑤
方尚書鈍俱八十九鄒宗伯幹殷司寇從儉李太宰
裕張太保子麟馮司寇岳俱八十八王恭靖璟潘恭
定恩俱八十七馬端肅文升林司馬瀚韓忠定文章
文懿懋高襄簡友璣劉清惠麟嚴分宜嵩俱八十六
王靖遠驥孫司馬原貞焦泌陽芳俱八十五王文端
直王忠肅翽賈文靖詠朱恭襄希周呂少傅本俱八
十四黃文簡淮胡賓客儼尹文和直陳太保金謝文
正遷毛文簡紀羅文莊欽順顧宮保應祥胡司空松
俱八十三俞司寇士悅雍司徒泰洪太保鐘徐少師

隋董宗伯份俱八十一

王別集

禮侍郎錢習禮八十九

戶侍郎萬虞愷大理卿夏時正八十八右副都御史
孫曰良八十七都督同知吳良洪武中以蕃將來降

成化中卒年九十九

奔州別集

太師洛陽劉健一百七歲太守林春澤一百四歲太

史王革一百歲

出王同軌耳談

韓府群牧所千戶朱政言其

曾祖信百六歲而終祖全百二歲父鏞八十二歲俱
見存弘治中太倉狀元毛澄祖毛弼百歲有司爲建
人瑞坊洪武中崑山耆老周壽誼百十六歲入見賜
宴及鈔幣天順中京師人茹大中百有四歲入見便

殿賜宴竝冠帶命禮部尚書姚夔造其第賀之成化
癸卯濟寧人王士能自言百二十又三年乃卒弁州別集

北京良鄉人孔無似年四百歲御史金燦召見與之
飲食即仁寶七修彙內鄉李子田為池州同知時有老人百

七歲來見內丘有向指揮百十七歲浙川縣人賈大
用一百三歲順陽趙相百歲新野李老百十餘歲鄧

州郭陵母一百七歲潁州姚老百有六歲其妻亦百
歲內鄉人羅紀百歲崔舉百有二歲出李子田於壩注筆

仙釋

廣成子千二百歲出莊子在宥大宛山青精先生傳言千

歲色如童子步行日過五百里能終歲不食亦能一

日九食白石先生者中黃丈人弟子也至彭祖時已

二千歲餘矣不肯修昇天之道但取不死而已彭祖

乃顓頊之玄孫至殷末已七百六十七歲喪四十九

妻失五十四子其後七十餘年猶在流沙之國馬鳴

生為地仙居人間三年輒易其處展轉經歷九州五

百餘年蜀人李八百歷世見之計其年八百餘歲因

以為號李仲甫服水丹兼行遁甲能步訣隱形在民

間三百餘年蜀人李意期自漢文帝時至劉先主未

安之敗乃入瑯琊山蓋五百餘歲上黨人趙瞿服松

栢脂走如飛鳥在人間三百餘年蜀郡李常在少治
道術百姓累世奉事計年已四五百歲而不老陰長
生得度世神丹處民間百七十年色如女子漢武帝
時泰山老父服朮飲水竝作神枕年百八十歲駙馬
都尉巫炎年百三十八歲沛人劉憑以功封壽光侯
常服石桂英及中岳石硫黃年三百餘漢武帝召見
之後入太白山齊人薊子訓舉孝廉除郎中在鄉里
三百餘年日行二千里邯鄲人王烈常服黃精及鉛
年三百三十八歲行步如飛嘗入太行山得石髓一
丸與嵇康河東人焦先常食熟煑白石如芋年百七

十忽老忽少如此二百餘歲呂恭字文敬採藥太行
山遇三仙人得道去家二百年復歸有數世孫呂習
僅存授以神方習老而復壯至二百歲子孫世世不
復老死天門子王綱服珠醴得年二百八十沛人劉
政治墨子五行記兼服朱英九年百八十能變化隱
形日行數千里魯人孔安國常行氣服鉛丹年二百
歲安國弟子張合妻年八十六生一男九靈子皇化
得還年却老胎息內視之術在人間五百餘年葛越
號黃盧子善氣禁之道年二百八十力舉千鈞許昌
人李根兩目瞳子皆方年七百餘歲上黨人王真胎

息斷穀魏武帝召見時已四百歲矣陳長在東海紵
 嶼山年六百餘歲班孟能飛行終日又能坐空虛中
 與人相語以指刺地即成井泉噴墨皆成文字年四
 百歲入大冶山僊去俱出葛洪神仙傳晉孝武時吳猛上升
 時百二十歲許旌陽上昇之年百三十六歲出真仙通鑑
 嘉靖中尹蓬頭自南都來已一百二十八歲魏國以
 刑迫之終不漏言徒與知靜功一二而已出黃魯曾列仙傳序
 東方朔父曰張夷字少平年二百歲顏如童子偃佺
 生於堯時年三千歲馮翊人李克自言三百歲負五
 岳真形圖見漢武帝河清人孟岐年七百歲恒以玉

笏切桂葉食之出洞冥記道士葉法善生於隋大業丙子

死於唐開元庚子凡一百七歲舊唐書

法門耆宿大年者惠秀那連提黎耶舍皆滿百歲阿

喜那單道開百一歲澄觀百二歲二祖慧可百七歲

靈坦日照百八歲帛僧光法藏百十歲那爛陀寺戒

賢百十一歲佛圖澄百十七歲道房趙州之從諗百

二十歲嵩岳之慧安百二十八歲僧械僧群行遵道

仙百三十二祖阿難百三十一廣州圓明百三十八

東土一祖達磨百五十歲圓寂百五十五菩提流志

百五十六三藏鉢怛羅二百七十僧景法喜三百歲

純陀三藏六百歲殊迦國大林菩薩七百歲中天竺
達摩掬多八百歲西竺長耳和尚千歲西竺寶掌和
尚一千七十二歲出王弁龍樹大士壽七百歲玄奘
法師傳

釋僧群蔬食居羅江縣霍山後絕粒飲泉年百三十

乃卒出異苑僧法喜在宋元嘉十七年為鍾山寺沙門

隋煬帝時乃化壽三百歲出釋氏通鑑唐元和中武陵開

元寺僧惠照生于梁普通七年仕陳歷隋至元和乙

未二百九十歲出宣室志寶掌和尚生于姬周之末至五

代周世宗顯德二年乃化得千七十二歲出陸游會稽志

外夷日本國大臣紀武內年三百七歲出宋史毗塞王

長丈二尺頭長三尺自古不死出梁書偃佺生於堯時

年三千歲洞冥記

早慧

黃帝十歲知神農之非而改其政出鬻子顓頊十歲而

佐少昊帝王世紀禹年十二為司空代鯀治水出傳蒲衣

子八歲舜讓以天下尸子皋子五歲而贊禹項橐七

歲為孔子師列女傳周靈王太子晉八歲辯服師曠逸周

書魯仲連十二折田巴於稷下魯連子甘茂之孫甘羅

年十二為文信侯見張唐使之相燕羅復請躬說趙

王趙因獻秦以五城秦國策漢楊烏九歲與其父子雲

太玄有荷戟入榛之語劉向別錄張霸七歲通春秋號張

曾子益部耆舊傳張堪六歲受業長安號曰聖童宛人任

賢年十二明詩易春秋號任聖童後漢書孔融甫十歲

盛憲見而異之下車載歸結為兄弟升堂拜母會稽典錄

楊周七歲時孔君平詣之設楊梅孔問楊梅是君家

果耶周荅曰未聞孔雀是夫子家禽金樓子何晏七歲

明惠若神魏武奇愛之養於宮中欲以為子世說新語賈

逵十歲暗誦六經王嘉拾遺夏侯淵之子榮字幼權七歲

屬文日誦千言經目輒識文帝聞而請焉賓客百餘

人人一奏刺榮一覽即能歷舉其鄉邑名氏郭頒魏世語

武幼子蒼舒生五六歲智意所及有過成人孫權曾

致巨象欲知其重舒令置象大船刻其水痕稱物校

之即得輕重魏志王弼十歲便好老莊通辯能言何

晏題曰斯人可與言天人之際矣世說注陸士龍六歲

便能賦詩時人以為項託揚烏之儔世說注何遜集初

傳入洛元文遙時年十歲一覽便誦邢邵謂此殆古

來未有後魏書梁昭明太子三歲受孝經論語五歲徧

讀六經簡文帝六歲能文攬筆立就武帝以東阿目

之出梁書顧歡六歲作黃鵠賦謝貞八歲作春日閒居

詩有風定花猶落之句為尚書王筠所賞虞荔九歲

往候太常陸倕倕問五經十事荔對無遺俱出南史王勃

六歲善文辭九歲作顏師古所注漢書指瑕以摘其

失李百藥七歲知瑯琊之稻出左傳注開元間召能

佛道孔子者相荅禁中童子員俶九歲升座詞辯注

射坐人皆屈是日俶又薦其舅子李泌泌年七歲召

入使張說試以方圓動靜說因賀帝得奇童新唐書賈

言忠數歲諷書日萬言七歲以神童擢第唐世聞喜

人裴敬燹七歲解屬文性又端謹號為甘露頂舊唐書

後唐莊宗年十一從晉王討王行瑜入覲獻捷昭宗

異之曰此子有奇表可亞其父賜以瀉鰲酒卮翡翠

盤因號李亞子比夢瑣言宋張九成八歲默誦六經通其

大旨父積書坐旁命客就試酬荅如響出宋史晏元獻

殊楊文公億皆舉神童晏年十四楊年十一真宗親

試九經不遺一字又試詩賦請至五賦乃已葉少蘊避暑錄

金太宗時東平童子劉天驥七歲能誦詩書易禮春

秋左傳語孟章宗時益都童子劉住兒年十一能誦

大小六經工詩賦所書行草有法孝行夙成召至內

殿試鳳凰來儀賦魚在藻詩賜經童科出身俱出金史國

朝李文正東陽五歲以奇童舉楊少師廷和年十二

舉鄉試高等

奔州別集

李文正公東陽六歲時與學士程

敏政皆以神童舉純皇召見過宮門不能度上曰書

生脚短李對曰天子門高時上御羞有蟹上持示二

子曰螃蟬一身鱗甲東陽對曰蜘蛛滿腹絲綸敏政

對曰鳳凰遍體文章純皇贊曰他日一箇宰相一個

翰林卒如所言

雪濤小書

佛言修摩那沙彌年向八歲得四神足及得四諦之

法

增一阿含經

舍利弗生始八歲誦十八部經通解一切

義摩伽陀國嘗設大會作樂談義舍利弗便陞論牀

結跏趺坐問答之間辭理超絕

智度論

釋道安七歲讀

書再覽能誦年十二出家神聖聰敏師與光明經一

卷不減萬言安覽畢即還其師覆之不差一字釋寶

誌產鷹巢中手足皆鳥爪朱氏婦聞其啼梯樹取養

之七歲依鍾山僧出家修習禪業與人言始若難曉

後皆效驗釋法聰八歲出家卓然神秀陝郡人辛七

師十歲好浮圖法日閱佛書自能辨梵音不由師教

俱出神僧傳

曇無讖本天竺人十歲誦呪聰敏出群日萬

餘言初學小乘後得樹皮涅槃經讀之驚悟

北涼錄

異林卷之二

相表

古先聖賢形表異常人者堯長舜短文王長周公短
 仲尼長子弓短堯舜參牟子禹跳湯偏皐陶之狀色
 如削瓜伊尹面無鬚麋傅訖之狀身如植鰭閔天之
 狀面無見膚周公之狀身如斷樞仲尼之狀面如蒙
 俱楚相叔孫敖突禿長左葉公子高微小短濬若將
 不勝其衣衛靈公有臣曰公孫呂身長七尺面長三
 尺而廣三寸鼻目耳具而名動天下俱出荀子
 舜目重瞳子項羽亦重瞳子史記後涼呂光亦重瞳隋

魚俱羅五代梁康王友敬國朝未樂中楚昭王子孟
某亦皆重瞳周文王四乳宋范鏊暨其子百常亦四
乳國朝倪文僖謙亦四乳宛委余編老子身有九變七十

二相八十一好法輪經先聖孔子生有四十九表祖庭廣記

如來為太子時淨飯王令阿私陀仙人相之陀言此

童子有百善相八十隨形挺特殊好佛本行經佛有三十

二相莊嚴佛身於世間最勝無比新婆沙論

伏羲女媧蛇身人面有大聖之德出列子神農氏人身

牛首長於姜水帝王世紀黃帝河目隆額而孔子似之出孔

叢子漢高祖隆準龍顏美鬚髯左股有七十二黑子史記

蜀先主長七尺五寸垂手下膝顧自見其耳蜀志晉武

帝髮長委地垂手過膝晉書齊高帝龍顏鐘聲鱗文徧

體梁武帝日角龍顏重岳虎顧舌文八字身映日無

景為兒時能蹈空而行陳高祖亦長七尺五寸垂手

過膝出南史後周太祖宇文泰髮長委地垂手過膝背

有黑子宛轉若龍蟠之形北史唐高祖體有三乳左腋

下有紫誌如龍新唐書

蒼頡四目而佐帝晉公子重耳駢脅而霸諸侯蘇秦

骨鼻為六國相張儀此脅而相秦子產日角晏平仲

月角尾生犀角柳下惠史魚反角皆名聞當世尸子

後漢李固足履龜紋而位至三公五代晉太常程遜足下亦有龜紋而奉使浙右墜於魚腹出玉堂間話韓公

張仁愿足下有黑子以為貴相安祿山亦有黑子在兩足下前定錄郭汾陽足掌有黑子渾咸寧為郭濯足

見之自言足掌亦有黑子郭令跣而視之曰不迨吾也渾果中壽畫漫錄李嶠每寢時鼻下無氣哀天綱與

居夜中察之出入之息乃自耳中驚曰此謂龜息大貴壽相也前定錄王鏐嘗從辛杲擊毬馳騁既酣向天

呵氣高數丈辛見之曰此極貴相也因以女妻之鏐終為將相獨異志王廷濬為戎職寐於道側有洛山人

熟視之謂濬曰君鼻中之氣左如龍右如虎龍虎氣

交當王後田弘正之難軍士推為留後唐年補錄

匈奴劉淵在姪十五年乃生左手有文曰淵劉聰亦

十五年乃生左耳有一白豪長二尺餘前秦符堅孕

十二月而生背有赤文隱起狀如篆字曰草付臣又

士王咸陽臂垂過膝目有紫光慕容垂姚襄皆臂垂

過膝南燕慕容德額上有日月兩角足下有偃月重

文後涼呂光左肘生有肉印十六國春秋班超燕頤虎頭飛而食肉萬里侯相也後漢書管輅目

言吾額上無生骨眼中無守精鼻無梁柱脚無天根

背無三甲腹無三壬皆不壽之驗魏志袁天綱相竇軌

曰君額上伏犀貫玉枕輔角又成必於梁益州大樹

功業武德初軌為益州行臺僕射相馬周曰侍御伏

犀貫腦兼有玉枕背如負物當富貴不可言相岑文

本日舍人學堂成就眉覆過目文才振於海內舊唐書

吳文圭道遇一叟言吳眉綠拳必入口神仙狀也不

爾有大名於天下而文圭拳實入口乾寧中擢第九

志歐陽文忠公耳白於面名滿天下唇不著齒無事

得謗孔平仲談苑王安石知鄆縣時李承之曰安石眼多

白甚似王敦他日亂天下者此人也邵氏聞見錄國朝汪

伯玉司馬李于鱗學憲二公髮極盛茂下侵天庭去

眉不及二寸以文名天下陳眉公聞見錄

紂將殺比干曰聖人心有七竅遂剖觀其心史記元僉

憲伯顏遇賊於磁不屈而死或剖其腹見心有數孔

曰聖人心有七竅果然昭代蜀大將軍姜維既死魏

人剖之膽如斗大郭頌世語宋之亡也張郢州世傑擁德

祐景祥於海上覆舟以死翌日獲屍焚化其膽如斗

大而焚不化蔣正子山房隨筆

才性

王莽時勃海尹方年二十一無所師友明達六藝魏

都牧淳于倉奏方不學而文能讀誦論義引五經文
文說議事厭合衆心詔徵方使射蜚虫策射無不知
者天下謂之聖人

王充論衡

東漢陸續有識性歲大饑太

守施貧者報姓名而食之凡六百人食畢問之人人

道其姓名無一參差

獨異志

劉穆之與朱齡石竝便尺

牘嘗在宋武帝坐自旦至晚穆之得百函齡石得八

十函而穆之應對不廢穆之內摠朝政外供軍旅決

斷如流賓客輻湊求訴百端內外咨稟盈階滿室目

覽詞訟手荅牋書耳行聽受口竝應酬不相參涉皆

悉贍舉

沈約宋書

楊愔官尚書令典選二十年聰記疆識

羊回不忘有選人魯漫漢自言猥賤獨不見識愔曰

卿前在元子思坊騎禿尾草驢經見我不下以方翹

鄣面我何不識卿漫漢驚服

後魏書

劉炫字光伯眸子

精明視日不眩強記默識莫與爲儔左畫圓右畫方

口誦目數耳聽五事同舉無所遺失自言周禮禮記

詩書孝論公羊左傳孔鄭等注凡十三家義有精粗

竝堪講授天文律曆窮覆微妙

隋書

杜正玄兄弟數人

俱未弱冠竝以文章才辯籍甚開皇末舉秀才尚書

試方畧正玄應對如響會林邑獻白鸚鵡僕射楊素

促召正玄令作賦援筆立成文不加點因令更擬諸

雜文十餘條又皆立成其弟正藏亦舉秀才兄弟三人一時詰闕所著文章為後進所寶海外高麗百濟亦共傳習稱為杜家新書俱隋書隋開皇十五年舉秀才唯杜正玄一人楊素試使擬相如上林賦王褒聖主得賢臣頌班固燕然山銘張載劔閣銘白鸚鵡賦至未時竝就素大驚曰誠好秀才弟正藏次年亦舉秀才蘇威試擬賈誼過秦論尚書湯誓匠人箴連理樹賦几賦弓銘亦應時竝就隋世舉秀才天下不十人而正玄正藏與其弟正倫皆高第容齊隨筆崔善為在隋時官文林郎文帝營仁壽宮崔領丁匠五百人僕

射楊素索簿點人崔手持簿暗唱之五百人一無差失素大驚自是四方疑獄多使推按無不妙盡其理

舊唐書盧莊道年十三歲造高士廉會有獻書者盧竊

視一過便謂高曰此莊道所作因諷誦之良久乃云非已所作竊記之耳高取他文及案牘試之一覽便能倒諷士廉薦于太宗授長安尉將錄繫囚四百餘了不經意太宗召問莊道徐狀以進評其輕重及留

繫日月即日拜監察御史唐世說開元中柳芳有記性

李幼奇嘗以百韻詩對芳誦之芳便題于壁不差一字更誦它文章一遍皆能寫錄尚書故實元嘉少聰雋左

手畫圓右手畫方口誦經史目數群羊兼成四十字
詩一時而就足書五言絕六事齊舉世號神仙童子
朝野尹少稷每日能誦麻沙版本書厚一寸
陸務觀
愈載

多男

田常專齊國之政選國中女子長七尺以上者為後
宮有子七十餘人靖郭君田嬰有子四十餘人其賤
妾有子名文是為孟嘗君
出史記 陳成子有數十婦生
男百餘人
史記 中山靖王樂酒好內有子百二十人
索隱
漢書 晉永嘉之亂吐谷渾始及隴西止於枹罕有子六
十人
十六國春秋 姚弋仲有子十二人
後秦 左衛率胡

濟南昌人有子六十人多不遵法度坐罪徙遠州
陵陽子仲服遠志二十年有子三十七人杜子微服
天門冬御八十妾有子百三十人
抱朴子 李遷哲少仕
江南後入周官都督信州刺史進爵安康公妾媵百
數男女六十九人緣漢千里第宅相次子孫參見或
忘其名
出北史 陳宣帝四十二男太子則陳後主其封
王者三十三人除始興逆誅岳陽死隋難餘皆令終
又鄱陽王恢有男女百人男封侯者三十九人女封
主者三十八人陳尚書僕射王冲歷仕二梁年七十
八卒有子三十人竝至通官
俱南史 趙宋時侍中張耆

家多姬媵開牕直廢舍先使馬合牝牡縱內人窺之
從而幸御罔不成孕有男子四十二人張行已每五

更以湯沃其下部日出方寵有子二十二二人張舜民畫墁錄

本朝晉府慶成王鍾鎰有子七十人皆封一品錄經濟

王元美言慶成王有子百人自長子外俱封鎮國將

軍每會紫玉盈坐至不相識而人皆隆準極異事也

皇明盛事

吳回之子陸終娶于鬼方氏曰女嬪孕而不粥三年

啓其左脅而產六子一為昆吾二為參胡三為彭祖

四為云郇人五為曹姓六為芊姓大哉禮漢末寧元年

南昌有婦人一產四子唐檀以為京師有兵氣後書

唐淮南程幹妻茅氏連八年孿生一十六子獨異志宋

郟城民有二十一子而雙生者七胎陳師道談叢周哀王

八年鄭有婦人一產四十子成人者二十搜神記方國

珍之婦一產一男二女古今識鑒景泰三年宛平縣民楊

福祥妻一產三男詔人予月米三年實錄天順中揚州

民婦一產五兒體貌相似無天者彥旬野記嘉靖六年河

間民李公窩妻陳一產七女五禱組萬曆戊申仲冬乙

巳福州軍蘇九郎妻鄧一產兩男兩女即報有孿生而

顯者殷王祖甲一產二子曰囂曰良許僖公一產二

女曰妣曰茂楚大夫唐勒一產而雙男曰貞夫女曰

瓊華西京南齊王融王琛同是四月二日孿生後以

四月二日同刑死獨異志南唐時金陵人康國輔娶司

馬氏一產三男唐主以為人瑞皆授封將軍其後蕃

衍號千秋康氏出歐陽恭簡公集宋會川尹氏伯仲以嘉熙

三年正月朔日孿生至元泰定丁卯享年九十皆聰

明強健虞伯生學古錄國朝成化中曲阜人孟麟孟鳳皆孿

生麟官陝西布政使鳳官刑部尚書德州人王楠王

楊亦孿生楠官南鴻臚卿楊官右布政使嘉靖戊午

舉人顧谷璧顧聯璧其父四舉胎而八子王弇州別集古

豕牢國之先有婦人曰沙壹觸沈木而孕一產十子

最幼者才武而黠是日九隆諸兄共推以為王其時

哀牢山下復有夫婦產十女者因而妻之水經注後漢書波

羅奈國有一雌鹿舐仙人梵志遺精而孕生一女子

端正殊妙梵志取養之梵豫國王聞而索之立為夫

人一產千子是為賢劫千佛雜寶藏經舍衛城長者黎耆

彌有七兒皆娶最小兒婦名毘舍離懷妊月滿便生

三十二卵卵中各出一兒勇健非凡佛說賢愚經

族義

黎陽桑虞十四喪父毀瘠過禮諸兄咸仕於石勒之

世虞恥臣非類靖居海右五世同居閨門雖穆符朗
為青州刺史嘗詣虞家升堂拜其母時人榮之晉書北

海密人王閻數世同居百口共爨蒲陰人石文德五

世同居天水白石縣趙令安孟蘭彊泰山劉興業俱

四世同居魯郡蓋儁六世同居竝共財產後魏書博陵

李凡七世同居共財家有二十二房一百九十八口

長幼濟濟風禮著聞至於後作卑幼競集出後魏書太原

郭世儁七世同居犬豕共乳烏鵲通巢隋高祖遣平

昌公宇文弼詣其家勞問隋書南齊時義興陳玄子四

世一百七十口同居武陵范安祖李聖伯范道根五

世同居零陵譚弘寶衡陽何弘華陽楊黑頭疎從四

世同居竝共衣食詔表其間南齊書鄆州壽張人張公

藝九世同居北齊時東安王高末樂詣宅旌表之隋

開皇中大使邵陽公梁子恭亦親撫表門貞觀中特

勅旌表麟德中高宗有事泰山親幸其宅又青州北

海人呂元簡四世同居所畜牛馬羊狗皆異母共乳

詔加旌表舊唐書阜城李罕七世同居漢乾祐三年詔

改其鄉里名以旌之江州德化人許祚八世同居長

幼七百八十一口淳化二年本州言祚家春夏常乏

食詔歲貸米千斛具州田祚京兆惠從順十世同居

廬州趙廣順安軍鄭彥圭信州俞雋八世同居陝州
張文裕六世同居襄州張巨源劉芳潭州瞿景鴻溫
州陳侃江陵褚彥逢五世同居徐州彭程四世同居
信州李琳十五世同居江州陳昉十三世同居長幼
七百口不畜僕妾上下姻睦每食必群坐廣堂未成
人者別爲一席有犬百餘亦置一槽共食一犬不至
群犬亦皆不食俱宋史南康建昌人洪文撫曾祖諤唐
虔州司倉參軍子孫衆多以孝弟著稱六世義居室
無異爨就所居雷湖北創書舍招來學者至道中遣
內侍裴愈齎御書百軸賜其家池州青陽人方綱八

世同爨家屬七百口居室六百區每日鳴鼓會食堂
出稻五千筭振貸貧民保定軍孫浦襄州常元紹蔡
州黃美解州董孝章竝十世同居莫州高珪未定軍
朱仁貴潞州邢濬相州趙祚八世全居麟州楊榮隰
州趙友開封李居正潁州張可象衛州張珪滄州崔
諒竝七世同居邢州正覺趙州曹遵六世同居交州
童升陳州樊可行京兆元守全平定軍段德五世同
居開封張仁遇亳州王子上建昌軍瞿肅四世同居
家口一百五十長幼孝弟鄉人化之河中未樂人姚
宗明以農爲業十世同居歷二百餘年經唐末五代

兵戈亂離而子孫保守墳墓骨肉相聚婺州浦江鄭
 綺以肅睦治家九世共爨河陽故大理丞陳芳一門
 十四世同居三百年俱宋史會稽裘承詢十九世同爨
 宋會稽平水雲門之間有裘氏者自齊梁以來至趙
 宋嘉泰七百餘年無異爨子弟或士或農大中祥符
 四年越州奏旌其間時已十九世矣闔門三百口其
 族長曰承詢至嘉泰初又五六世聚族亦加於昔陸
會稽志浦江鄭氏以孝弟為政一門五十餘室不別槃
 案而飯者三百年其稱尊者三人孟曰伯陽年七十
 二叔曰仲德年六十八季曰仲舒年六十三宋景濂

太史為之作三老圖頌

宋學士集

異林卷之三

貴盛

漢金日磾同霍光受遺詔輔昭帝封秬侯子賞建俱
侍中建孫當嗣封磾弟倫子安上封都成侯安上四
子常敞岑明敞三子涉參饒涉二子湯融世名忠孝
七世內侍何其盛也張安世昭帝時封富平侯其小
男彭祖繼其兄賀後封陽都侯安世子孫相繼自宣
元以來爲侍中中常侍諸曹散騎列校尉者凡十餘
人功臣之世唯金氏張氏親近寵貴比於外戚前漢書
袁安由司空代桓虞爲司徒安子敞爲司空敞子湯

累遷司徒太尉湯子逢官司空嘗為三老逢弟隗獻
帝初為太傅湯子成成子袁紹逢子袁術袁氏始敗
楊震由司徒為太尉震子秉延熹五年拜太尉秉子
賜熹平二年為司空進司徒至太尉賜子彪歷官司
空司徒至太尉後漢書東京楊氏袁氏累世宰相為漢
名族然袁氏車馬衣服極為奢僭能守家風為世所
貴不及楊氏也華嶠漢書曰鄧禹之後累世寵貴凡族者
二十九人太尉二人大將軍以下十三人東京莫盛
于此後漢書劉向上跡言今王氏一姓乘朱輪華蓋者
二十三人青紫貂蟬乞盈握內魚鱗左右前漢書

宋何尚之子偃孫戢戢子昌寓孫敬容五世為吏部
謝莊子朏朏子淪淪子覽孫溫四世六人為吏部俱宋

書唐蕭瑀蕭嵩蕭華蕭復蕭俛蕭倣蕭遘贊曰梁蕭
氏興江左實有功在民其後裔自瑀逮遘凡八葉宰
相名德相望與唐盛衰世家之盛古未有也新唐書

唐高祖時崔義玄以功封清丘縣公官御史大夫子
神慶則天時錫爵魏縣子歷司刑司禮卿神慶子琳
等皆至大官群從數十人趨奏省闈每當家宴組佩

輝映以一榻置笏重疊其上東都私第門琳與弟太
子詹事珪光祿卿瑤俱列榮戟時號三戟崔家出唐書

宋呂文穆公蒙正正從子文靖公夷簡夷簡子惠穆
公公弼正獻公公著二世四人更執國政古所未有
者宋史論

國朝林瀚林庭機林燦父子孫三代俱由翰林官大
司成瀚次子庭棊官右叅政棊子炫官禮部主政

仁和江玘子瀾孫曉曾孫圻玄孫鐸巴縣劉規子春
孫彭年曾孫起宗玄孫世賞皆五世甲科 成化中

大學士眉州萬安子翼南禮部侍郎孫弘璧庶吉士

正德中大學士楊廷和父春以提學僉事致仕子慎

狀元官修撰嘉靖中烏程董份官禮部尚書子道醇

南京工科給事中孫嗣成禮部郎俱三代無恙 父

子三公者三家英國公張輔輔子張懋俱太師保國

公朱未爲太師未子暉爲太保會昌侯孫繼宗爲太

傅其孫銘爲太保嘉靖中太倉王倬倬子忬萬曆中

忬子世貞俱官歷都御史至兵部侍郎 萬曆庚辰

科狀元張懋修二甲張敬修榜眼蕭良有二甲蕭良

譽探花王庭選三甲王庭諭皆同父兄弟也王氏自皇明盛事

兄弟同科進士者萬曆癸未科臨海王士崧王士琦

麻城梅國楨梅國棲巳丑科安福周懋卿周懋相壬

辰科烏程沈淮沈演餘姚陳治本陳治則安丘馬應

龍馬從龍乙未科桐城何如申何如寵南昌劉一煜
劉一燦辛丑科益都曹璉曹珍韓城解經雅解經傳
丁未科蒲州張廣張庭庚戌科新野馬之騏馬之駿
進士履歷同郡占一甲進士者建文庚辰科胡靖王良李
貫皆吉安府人末樂甲申科曾榮周述周孟簡俱吉
安府人正統丙辰科陳文劉定之皆吉安人景泰甲
戌科徐溥徐鎰俱常州人天順甲申科彭教羅璟俱
吉安人成化戊戌科曾彥曾追俱吉安泰和縣人成
化辛丑科王華黃珣俱紹興餘姚縣人弘治癸丑科
徐穆羅欽順俱吉安人弘治乙丑科董玘謝丕俱紹

興人嘉靖乙未科韓應龍孫陞俱紹興餘姚人出科
父子一甲進士者大學士謝遷以解元會魁中成化
乙未狀元其子丕復以解元會魁中弘治己未探花
諭德倫文叙以會元中弘治己未狀元其子以訓又
以會元中正德丁丑榜眼官至祭酒出自皇明
盛事

又任

自古又在相位莫如伊尹尹以桀二十年歸商相湯
十有二年乃滅夏又相湯十二年外丙二年仲壬四
年太甲七年伊尹乃卒通共三十七年竹書紀年在周則
周公旦相武王成王者二十七年出居豐者十一年

召公奭相成康者六十一年竹書紀年管夷吾相齊桓公

四十年晏嬰相齊莊公景公五十四年出史記令尹子

文相楚成王四十年繒布之衣以朝鹿裘以處家無

一日之積左傳子產相鄭簡定獻聲四公凡五十六年

乃卒鄭人皆哭泣如亡親戚史記一云子產相鄭三十

三年左傳諸葛武侯相蜀先後主各十四年蜀志後魏崔

浩自元明初年賜爵歷官至司徒至真君十一年以

史事誅凡四十餘年高允自魏太武時官侍郎歷事

五帝出入三省五十餘年初無譴咎後魏書北齊唐邑

爰從霸府歷事文宣武成以終末路四十餘歲典綜

兵機識用閑明甚為朝臣所服北史隋高頴有文武大

畧明達政務當朝執政將二十年朝野推服物無異

議時致昇平頴之力也隋書唐郭子儀當肅代兩朝以

身為天下安危者二十年校中書令考二十四年八

十五乃卒新唐書宋張齊賢事太宗真宗二十五六六年

四踐兩府九居八座以三公就第康寧福壽時罕其

比向敏中端厚多智曉民政善處繁劇居大任三十

年時以重德目之為人主所優禮宋史

國朝李韓公善長掌中書省十年為太師二十三年

蹇忠定義在吏部胡忠安澗在禮部楊文敏榮在內

閣俱三十餘年黃忠宣福爲尚書者四十年楊文貞
士奇在內閣四十三年夏忠靖原吉郭忠襄資在戶
部金文靖幼孜在內閣俱二十五年于肅愍謙巡撫
山西河南十八年周文襄忱巡撫江南二十一年扈
遲知鳳翔府二十五年九年滿加從二品俸級劉綱
知寧州三十三年三以九年滿加至從二品俸級

國朝勲臣徐中山達爲將相湯東甌和馮宋公勝爲
大將沐定遠晟以國公佩將印守雲南俱三十年張
寧陽懋統五軍及十二營務四十餘年爲太師者二
十年朱宣平末總十二團營兵馬爲首帥三十五年

西新寧祐天順元年襲爵累加保傅典禁兵

嘉靖四
年始卒

凡六十九年郭翊公勛自加宮保至太師凡三十餘
年總十二團營兵亦二十餘年朱成國輔守備南京

十四年其孫恭靖王希忠自太保至太師已三十
入直亦三十年主瓊林宴者十代郊祀大禮三十

次古今罕有陳瑞安總襲父爵加少保掌府事爲
帥五十八年徐魏國備再提督守備五十四年備孫
鵬舉三提督守備五十六年顧鎮遠襲總兩廣再督
漕一守脩南京一爲戎政大帥三掌府事踰四十年
張英公溶加宮保至少傅掌府三十年鄭武安亨譚

皇林 卷之三
未寧廣任寧遠禮周太保尚文爲邊將垂四十年出皇
明盛
事

使節

漢中郎將蘇武持節使匈奴匈奴欲降之徙武北海
上無人處使牧羝留匈奴十九年乃得歸始以強壯
出及還鬚髮盡白武年八十餘乃卒漢書後魏于什門
太宗時爲謁者使喻北燕馮跋于和龍見跋不拜既
見拘畱隨身衣裳敗壞畧盡蟣蝨被體歷二十四年
後馮文通上表稱臣乃送之歸世祖賜羊千口帛千
匹進爲上大夫後魏書宋高宗建炎三年擢洪皓爲徽

猷閣待制假禮部尚書使于金人迫使仕於劉豫
不可將殺之流遞冷山者十有五年金主生子大赦
乃許還南忠義之聲聞于天下宋史

國朝兵科給事中傅安以洪武二十八年使西域留
滯者十二年未樂五年始歸未樂十四年封別失別
里納里失罕爲王爲北虜羈留者復九年宣德改元
始歸詔給勅命賜老留虜中前後共二十一年皇明盛事

嘉靖三十年安南都統使福海卒其子宏翼請襲會
其國兵爭者五六年有貢使某甲至京朝廷謂其僞
官未許獻所進貢使不敢歸隆慶二年大學士李春

芳憫其父處邸中敬守主命爲之奏達遣歸留中國者二十餘年鬚髮盡白時人比之蘇武

殊域周咨

貞烈

國朝宣德四年羅山悼恭王有 薨年二十一妃張

氏祥符人傷王無子自殺以殉詔諡貞烈正統四年

正月寧府信豐悼惠王盤煥薨無子妃劉氏自殺以

殉其年六月周憲王有燉薨無子妃鞏氏暨牛戴韓

歐陳李六夫人同日自經以殉詔諡妃皆曰貞烈六

夫人皆曰貞順

俱出實錄

元集賢侍講學士閔本河內人天兵至比平本與其

妻程氏自經有兩女一真真二安安見父母死悲號

亦自經其傍固始人高希鳳在遼東死於亂軍其妻

劉氏被虜不屈亦被殺希鳳弟藥師奴妻李氏早寡

避難高麗國初挈子姪來歸居夫墓側不再適鳳季

弟伯顏不花死于虜其妻郭氏自經于馬櫪鳳從子

高塔失丁爲父讐誣陷死其妻金與姑邢俱自經于

室一門五節婦 詔旌表之

出河南通志

元江浙行省左

丞潘元紹有七姬曰程曰翟曰徐曰羅曰卞曰彭曰

段至正丁未兵興抵城下潘臨戰將敗七姬一時自

經潘歛而焚之合塋一塚張羽作七姬權厝志

姑蘇志

邢臺諸生高九州病且困妻要氏每夜焚香祝天求
代高之死也妻抱幼女願與同死閉門自經家人救
解服滿三年不肯除姑憐其少而無子勸適人固不
從富人趙源強委禽焉要見勢窮夜乃自縊年二十
八是夜天大霜草木萎死水結成冰咸謂烈婦所感
云高潯順德府志東漢潁川荀采荀爽之女也適南陽陰瑜
年十九生一女而瑜卒爽欲其改適詐稱病篤召采
已而懷刃自誓爽令傅婢奪刃扶抱載適郭奕家采
命建四燈盛裝飾請奕相見共談至曙奕不敢逼奕
出而采入室粉書戶扉曰尸還陰遂以衣帶自經漢書

宋江東轉運使趙淮與元兵戰死瓜州淮有二妾曰
翠曰綠元將欲納之妾曰必焚骨乃可既而同抱主
骨投急流中死 桐城陶鏞客死大寧妻鍾年二十
五有子繼方在襁抱鍾負鏞骸歸塋斷髮孀居五十
七年乃卒繼娶方氏未久亦亡方年二十七有子亮
纔二歲矢死教子亮領景泰癸酉鄉薦方守節四十
年乃卒亮又早卒妻王年二十八妾吳二十二皆無
子共處一室紡績自給踰二十六年縣令陳勉表其
門曰陶氏三世四節南畿志莆田柳惟豫妻林子孟貞豫
姪廷茂妻陳淑慧茂弟廷新妻林玉清先後喪夫林

年二十六陳年二十五王清二十四俱守節無玷人
 稱柳氏三節朱洪妻官氏年三十喪夫洪子興宗早
 孤官撫之成立娶吳淑婉生子定慶一歲而孤已長
 娶王一靜二十一而慶死遺腹生子文望三世守節
 郡守王弼旌其門興化志城武高位死妻陳妾王竝自
 經以殉弘治十一年旌曰雙烈又城武人王俊妻高
 妾蔣天順三年夫卒妻妾皆自經三人同穴而葬亦
 旌雙烈嘉靖中山東章丘人楊烈婦以死殉其夫妾
 盛亦自經死縣令茅國縉言於御史奏旌之少餘山小鈔
 蘇州崑山邑南有村名西湓瀆洪武中邵吏妻薛不

受邏卒之汚自經死其地後為彭餘璋宅正統中
 璋病卒妻鄭宜君赴水死後又為王鴻羽宅嘉靖中
 鴻羽子士病卒妻陸氏又自經死人皆異之因名其

里曰三烈崑山縣志

招遠孝廉吳禎繼室孫氏年十有九而禎疾困以孫
 少寡為憂已而禎卒孫遂整衣堅卧絕口不食如熟
 寢然都無呻吟疾苦之狀凡四十三日而絕嘉靖丙
 寅歲之十月也招遠縣志南城胡世亨女胡全嫁為商人
 李華妻華從父出外華母易淫恣與隣璉炳輩姦通
 欲強胡同璉炳宿執不可絕其飲食苦奉之致胡透

井隣里共救得無死因速之獄以不孝告隣里為白其故得釋出會胡夫商歸促其出妻胡以死執不二夫嘉靖己亥正月易置火胡牀焚其卧具誣以放火加以鐵椎幾死者數矣如是刑酷者八年胡卒不言姑之汚行其年五月七日卒與璉炳輩粹胡束其手足囊沙壓焉死于毒手邑令曹達上其事撫院王暉以聞詔賜祭建祠名曰哀烈歲令縣尹祀之哀烈錄

異林卷之四

先知

殷湯陵在汾陰後魏太和中縣人張恩破陵求物先有石弩矢發斃三人墓中多是鍾磬諸樂器得一銘曰吾死後二千年終困于恩寰宇記孔子將卒遺書曰不知何一男子自謂秦始皇上我之堂據我之牀飲吾酒唾吾漿顛倒我衣裳張吾弓射東牆前至沙丘當滅亡劉敬叔異苑

孔子牀首有懸甕背有冊書人莫敢發後漢明帝時鍾離意為魯相出私錢萬三千文修孔子廟男子張

伯除堂下土中得玉璧七枚以六枚上意意至廟發

甕中得素書曰後世修吾書董仲舒護吾車拭吾履

發吾笥會稽鍾離意壁有七張伯藏其一

漢晉春秋

秦惠王弟樛里子滑稽多智以功封嚴君秦昭王時

入遺命葬於渭南章臺之東曰後百歲當有天子之

宮夾我墓至漢興長樂宮在其東未央宮在其西武

庫正直其墓故秦人諺曰力則任鄙智則樛里

史記

漢武帝行幸河東中流飲讌作秋風辭語群臣曰漢

有六七之尼法應在受命宗室子孫誰當應此者六

七四十二代漢者當塗高也自古不聞一姓長王天

下但使失之非吾父子可矣

漢書故事

巴蜀周舒學術於廣漢楊厚有人問春秋識曰代漢

者當塗高此何謂也舒曰當塗高者魏也鄉黨學者

私傳其語後譙周以其語問杜瓊瓊曰魏闕名也當

塗而高聖人取類而言耳

蜀志

漢末博士燉煌侯瑾善內學語弟子曰涼州城西有

泉水當竭當有雙闕起其上魏嘉平中武威太守起

學舍策闕於此 魏高堂隆刻鄴宮屋材云後若干

年當有天子居此宮及晉惠帝止鄴宮治屋者更剥

泥土始見刻字計其年正合

王隱晉書

諸葛亮南征勒碑紀功銘其背曰萬歲之後勝我者過此及隋遣史萬歲征南寧夷至南中行數百里見其碑令仆之而進破三十餘部諸夷請降

隋書

譙周將亡戒諸子曰吾後嗣當有黃頭黑齒幾亡吾

族及周孫縱之生也頭黃而齒黑晉末刺史毛璩使

縱領白徒七百人由涪水討桓玄西人不樂遠征乃

逼縱為主攻陷巴蜀遂居益州既害毛璩自號成都

王義熙九年朱齡石討平之一如周言

元和地理志

汝陰鴻亭人隗炤臨終書版授其妻曰吾亡後當大

荒窮慎勿賣宅後五年當有詔使姓龔來頓此亭此

人負吾金以此版責之已而一如所言使者沈吟良

久問賢夫何能答曰善易使者曰此可知矣遂為筮

之卦成歎曰妙哉隗生可謂鏡窮達而洞吉凶者也

吾不負金賢夫自有金五百觔在堂東頭去壁一丈

入地九尺覆以銅盤知吾善易故書版寄意耳

晉書

後魏高流之為徐州刺史決滹沱河水繞城破一古

墓得銘曰吾死後三百年背底生流泉賴逢高流之

遷吾上高原流之乃為造棺衾而改葬之

朝野僉載

貞觀中將軍王果嘗經峽口見一棺於崖側將墜使

人遷之平處得銘棺下曰更後三百年水漂我臨長

江欲墮不墮逢王果

隋書嘉話

太原温彬臨終封一狀謂其妻曰吾死後年名垂拱

可即詣闕獻之慎勿開也及中宗嗣位武后改元垂

拱其妻獻之預陳則天革命及突厥至趙定事俱驗

孔平仲僧一行將卒遺物一封令弟子進之玄宗發

視乃蜀當歸也帝初不悟及幸蜀回乃歎異之開元傳言

記天祐中太原僧惠照夢鎮州廢相國寺中埋鐵塔

特往訪之元帥王中令鎔延在衙署供養知其尋塔

令人訪求果於寺基前掘得一塔上刻三千人姓名

悉是見在常山將校親軍北夢瑣言

宋建隆二年曹彬伐蜀謁武侯祠謂左右曰孔明瘦

竭蜀之軍民不能恢復中原萬一何祠宇之雄觀乎

將折毀其積敗者俄而中殿推塌有石碑出土尺許

其刻文曰測吾心腹事惟有宋曹彬彬讀訖下拜曰

公神人也小子安能窺測哉遂新其祠而去蜀古蹟記

通禽語

大費輔禹平水土佐舜調馴鳥獸是為栢翳生子大

廉實鳥俗氏史記蔡邕言伯翳綜聲於鳥語葛盧辨音

於牛鳴後漢書佛言書有六十四種彌伽遮迦書乃獸

音也迦迦婁多書乃鳥音也佛本行經和菟有鳥鳴書一

卷王喬有解鳥語經一卷隋書經籍志曾僖公時介葛盧

來朝禮之加燕好葛盧聞牛鳴曰是生三犧皆用之

矣其音云問之而信左傳公治長解禽語故有縲紲之

繫論語公治長辨鳥雀語云喑喑嘖嘖白連水邊有

車覆粟車脚淪泥犢牛折角收之不盡相呼共咏人

往驗之果然陳羅文孔子在衛晨聞哭聲甚哀顏回

曰完山之鳥生四子羽翼既成將分乎四海其母悲

鳴有似於此乃使問之果以夫死家貧粥子而葬與

之訣也家語廣漢陽翁偉知鳥獸語嘗乘蹇馬之野而

出間有馬鳴聲相聞翁偉曰彼眇馬罵此蹇馬此馬

亦罵其眇王充論衡楊宣為河內太守聞群鵲語知前有

覆粟在數里外益部耆舊傳漢人李南通六畜語知白馬

黑馬之相詈抱朴子後漢桂陽成武丁明照萬物獸聲

鳥鳴悉能解之神仙傳後漢公昉遇真人服神藥後移

意萬里即到又知鳥獸語洪适隸釋魏尚宇文仲為太史

曉鳥語謝承後漢書雒陽沙門安清字世高尅意好學外

國典籍七曜五行醫方異術乃至鳥獸之聲無不綜

達高僧傳管公明聞閣上鵲聲知東北有婦殺其夫牽

引西家人魏志梁山陰令沈僧紹嘗出校獵聞南山

虎嘯語左右曰國家有邊事須還處分後官廷尉卿

太清初謂親知曰明年海內喪亂生靈十不存一南史

北齊張子信在武衛奚末洛所聞鵲鳴勸末洛曰鵲

言不善有喚可勿往是夜琅邪王召洛洛以疾辭得

免于禍北史白龜年於嵩山東岩下遇李白授一軸素

書曰讀此可辨九天禽語九地獸言龜年一日過潞

州太守二雀方語守問何事荅曰城西民家有粟可

共食耳後又見牽十餘羊一羊不行而鳴甚哀龜年

曰羊言腹有羔將產願少待產就死也出翰府名談孫守

榮出入丞相史嵩之門一日聞鵲語曰哺時當有寶

物至已而李全以玉柱斧為貢宋史遼宗室神速姑者

知蛇語遼史西海有一胡婦解馬語即知吉凶劉朝使記

元時麗江通安州人麥宗七歲能識文字偶入玉龍

山中見石盎中有水取飲之遂知禽鳥之語長而百

蠻諸夷之書無不通曉雲南通志

服食

漢末議郎李暉學郊儉辟穀服茯苓飲寒水中泄利

殆至隕命軍謀祭酒董芬學并始鴟視狼顧呼吸吐

納為之過差氣閉不通良久乃蘇魏文帝典論

魏晉間人好服寒食散其方載千金方中皇甫謐服

之遂為廢人自言性與之忤違錯節度隆冬裸袒食

冰當暑甚至悲恚欲自殺可不慎哉

葉少蘊避暑錄

宋劉亮合仙丹須白蟾蜍白蝙蝠得而服之立死唐

人陳子真得蝙蝠大如鴉食之一夕大瀉死

續博物志

洪州胡僧超隱白鶴山自云數百歲為武則天合長

生藥所費鉅萬三年乃成自進藥於三陽宮則天服

之以為神妙望與彭祖等壽改元久視放超還山服

藥之後二年而崩

朝野僉載

南唐諫議大夫張義方命道士合還丹於牛頭山頻

年未就會義方遘疾將卒恨不成九轉之功一旦命

子弟發丹竈竈下有巨虺火吻錦鱗蜿蜒其間若為

神物護持乃取丹自餌一粒瘖瘖而終

鄭文寶南唐近事

太平興國初薛居正進位司空因進丹砂遇毒方奏

事覺疾作遽出至殿門外飲水升餘堂吏掖歸中書

已不能言但指庶間儲水器左右取水至不能飲偃

卧閣中吐氣如煙談輿歸私第卒

宋史

宣和間王侁為

殿中監甚見寵渥一日召入禁中曰朕近得異人製

丹砂服之可以長生煉治經歲色如紫金卿為試之

侁欣躍拜命服之下咽覺胃中煩燥俄頃烟從口出

扶歸而卒既歛聞柩中剥啄聲莫測所以少焉火自

柩出遂成烈焰屋廬盡焚延燎十數家

葉實筆衛

天台金鵝洞前有巨松夜靜遠望則火毬飛走者積年陳德公與尤燭往察之見松根脂膏融液于外剖得松丹如琥珀然挈歸分服即覺狂躁不可禁急以水沃胸前熱益甚遂寘身于缶中凡數易水水皆如湯亟飲豆汁稍定至冬疽發幾死尤亦服寸七兩目赤腫如桃兩月方愈又朱巨容以松丹進史衛王彌遠服之癡狂躁而死吳景淵刑部平生服硫黃人罕知之其後二十年長子橐爲華亭市易官疽發于背而死乃知流毒傳氣尚及其子可不戒哉蘇真筆衡張中書慤壯歲日服丹砂尔後形體充臍飲啖加人

十倍久之髮際忽生瘍浸淫及頂巍若高阜旬余爆

裂而死夷堅志蘇子由嘗爲黃白術先治一室甚密中

置大鑪將舉火見一大貓據爐而溺須臾不見子由

以爲神仙之術天使濟貧乏待其人然後傳予非其

人也遂不復講孫升談圃宋仁宗時會稽陸軫以集賢院

學士謝政辟穀煉丹法雲寺者十餘年丹已八轉忽

變化飛去軫乃洗爐鉢水飲之數日不疾而逝諸孫

分飲餘水者中大夫似年八十六祠部傳年至九十

承奉倚年八十三陸游會稽志

宋治平末蘇子由泝峽還蜀泊仙都山下遇一道士

言養生有內外精氣內也非金石所能堅凝四支百骸外也非精氣所能變化欲事內必調養精氣極而後內丹成內丹成則不能死矣外丹成然後可以點瓦礫化皮骨飛行無礙內丹未成而服外丹者多死昔人有服金丹不達赴井死既而五臟皆化為黃金又有服玉泉死於盛夏而屍不敗壞皆無內丹以主之也

龍川志畧程明道嘗憇一寺夜聞鼠齧佛臍中起視於內得丹書一卷用其法煉月餘人見其屋有光以為火也遂不復鍊以將成之丹塗銀器即成金或諷先生服之荅曰吾腹中安可著此

續續霏雪錄

唐太中初陶太白尹子虛採藥嵩華於芙蓉峰遇秦時役夫於松林中乞道訣荅曰余本凡人但能絕其世慮初餌栢子後食松脂遍躄瘡湯腸中痛楚不及旬朔肌膚瑩滑毛髮潤澤未經數年凌虛步險混合虛無不知金丹大藥為何物也

太平廣記

宋嘉朱孺子幼而事道居大箬巖一日就溪濯蔬見岸側二小犬相趣入枸杞叢下遂掘得枸杞根狀如犬堅若石煮之三日乃爛孺子食之飛昇

續神仙傳

豫章逆旅梅氏頗濟惠行旅有一道士曰陳師恒往來其家梅厚待之一日陳言設齋借梅新甕盃二十

異材 卷之四
事竝邀梅往云可天寶洞前相訪明往造之延食一
蒸嬰兒頃又進一蒸犬子梅皆懼而不食道士自啖
之歎曰此千歲人參枸杞也公分不得仙耳取昨盃
還之悉變爲金盃道士遂不復見稽神錄

異產

古今坼疆而產者禹鹵皆逆生閭母背而出后稷順
生故曰不坼不副王充論衡重黎之後曰陸終娶鬼方氏
女曰女嬪孕而不毓三年啓其左脅六人出焉昆吾
參胡彭祖鄩曹芊是也大戴禮佛從地率天下託淨飯
王妃摩耶夫人懷孕十月於藍毗尼園夫人手牽無

憂樹從右脅而生法苑珠林李老君在母腹八十一年從

左脅而生獨異志黃初五年黎陽掾屈雍妻王生男從

右腋生水腹下出瘡亦尋愈魏志晉義熙中魏興李宣

妻樊產子從額上瘡中出長名胡兒爲大將長山趙

宣母妊身而髀上奇癢搔之成瘡兒從瘡出異苑後魏

肅宗熙平二年并州祈縣人韓僧真女從母右脅而

出胡太后令付掖庭養之陸勳集異記國朝成化辛丑宿

州奏有一婦自脇下生一男弘治戊申文林按宿召

視之年八歲矣名佛兒鼻上一誌黑而大瑯邪漫抄成化

甲辰徐州一婦初孕時肋骨下卽生一瘤漸長如核

大皮益瑩薄彌月見從瘤出瑣綴錄

姪過常期而生者黃帝在姪二十月乃生王充論衡唐堯

在姪十四月而生漢武鉤弋夫人姪昭帝亦十有四

月乃生命夫人門曰堯母門漢書劉淵母夢服日精十

三月而生淵劉聰母張夫人姪十五月而生聰十六國春秋

秋太原溫磐石在母懷叁年乃生墮地便坐而笑垂

髮覆面齒牙皆具異苑宋仁宗時鳳翔一婦與黃冠通

而有姪不能決在禁中四年英宗登極乃赦出生子

齒滿口矣書畫錄供奉官郭坦在母腹二十二月乃生

路史萬曆庚戌中翰馬呈德內人自癸卯得孕凡八

年而生子亦不甚大但髮長尺許謝在杭親見之

三歲矣能誦詩書如流對客揖讓不異成人五藏王

子年言庖犧娠歷十二年乃生顓頊在姪十年契在

姪十四月瀨鄉記言老子在母胞中七十二年乃生

是皆衡說附此以廣異聞續記

有竝產異類者後漢大將軍竇武母初產武時竝產

一蛇送之林中後母卒及葬有大蛇自榛草出徑至

喪所以頭擊柩涕血而去後漢書晉末嘉五年抱罕令

嚴根婢產一龍一女一鵝梁武帝太清元年丹陽莫

氏妻生男眼在頂上大如兩歲兒墮地便言曰兒是

旱疫鬼不得住母可急作絳帽故當免旱疫之禍唐
 武后神功元年來俊臣婢產一肉塊如三斤器剖之
 有赤蟲須臾化為蜂螫人而去晉愍帝建興二年十
 一月抱罕妓產一龍子色似錦文常就母乳遙見神
 光少得就視集異記丹陽縣慶氏婦生男一虎一狸一
 牙爪皆備即殺之兒經六日死異記嘉靖丙戌五月丙
 申金壇農婦產一物方首四角青面六日獠牙鳥喙
 手足一節而一爪墮地作鬼聲欬然起走擊之乃斃
劉侍郎趙鸞奴之母孕數月產一虎棄之復孕數月
王文集產一巨鼈後又產一夜叉錄異記

唐殷僧辨周僧達牛僧孺同母異父兄弟也南齊書

朝末樂壬辰狀元馬鐸戊戌狀元李騏亦同母異父

兄弟也皇明奇事

素問言女子七七四十九而天癸絕故無子內唐張

啓事郭汾陽甚見任用啓死其妻孟僞丈夫冠履稱

是啓弟請事汾陽寡居十五年及汾陽薨忽思禬獨

遂嫁潘老為婦年已七十二矣復生二子曰滔曰渠

滔渠皆五十以上而母百歲乃卒乾隰子金始祖居完

顏部部人有相讐殺者不能解其人謂始祖曰部有

賢女年六十未嫁汝若能解此怨當以相配始祖解

之部人遂以此女歸焉生二男一女長男曰烏魯次
日幹魯女曰注思板金史本紀

古有木石中產人者漢武帝時夜郎王生于竹節中
有女子浣於豚水見三節大竹流入足間不去中有

啼號聲持歸破之得一男兒及長有才武遂雄夷獠
稱夜郎侯以竹為姓唐蒙開牂牁斬之華陽國志昔武洛

鍾離山崩有石穴二所一赤一黑而五姓出焉出於
赤穴者名曰務相姓巴氏出於黑穴者凡四姓樊氏

驛氏栢氏鄭氏五姓迭爭後推務相為廩君十六國春秋
隋時黎陽王德祖家林檎樹生癭漸大如斗三年癭

朽中得一嬰兒因收養之名曰志梵杜苑叢談宋熙寧中

交州峒中檳榔生癭剖而得一女子養之有殊色交
人求之不與遂滅峒取女而去號檳榔女陶朱新錄畏吾

兒之先樹癭所產也和林一樹生癭九月而潰五兒
出焉最稚者曰卜吉可罕既長遂有其地傳三十餘

世為王倫的斤元史
西國有一商人將鶴入海採寶與鶴戲寢共彼合會

遂生二卵卵各出兒後學道出家一名尸婆羅一名
優鉢尸婆羅鞞婆沙經宋建炎中李奉太尉於海島獲一

牝猩猩携歸為妾生子紹興間金陵巨商泛海覆舟

抱一木漂至島邊悉是猩猩見人携歸與為夫婦生一子性極馴謹後附海船携子還鄉號為猩猩八郎

夷堅志

本朝嘉靖中蕭山木工丘本往海造船而道病

舟人棄之荒山有頃一牝虎至本告之故虎乃銜入

其穴日取生獸與食遂擊石出火煨生肉以療饑又

之強健虎忽以後體就焉因與合而生子居三四年

虎死其子幼而多力名曰虎孫十四歲為胡梅林督

府親兵

陳氏虎奮

梁武帝時江陰石笱山中有樵人見鹿

產一女子因收養之長令出家為道士時人謂之鹿

孃

洽聞記

突厥之先嘗為隣國所滅遺一兒十歲刖之

棄草間有牝狼以肉飼之及長與狼合遂有孕逃至

高昌北山洞穴遂生十男長大娶妻其後各為一姓

阿史那其一也

後周書

異林卷之五

殊長

禹致群神於會稽之山防風氏後至禹殺而戮之其骨節專車防風氏者汪芒之君也守封禺之山於周為長翟春秋之季為大人其長三丈

出國語

宋武公敗

狄于長丘獲長狄綠斯魯文公十一年叔孫得臣敗狄于鹹獲長狄僑如椿其喉以戈埋其首於子駒之門初魯桓十六年齊王子成父獲長狄榮如埋其首於周首之北門衛人獲其李弟簡如魯宣十五年晉人滅潞獲僑如之弟焚如長狄之種遂絕

出五傳

長狄

之死身橫九畝斷其首而載之眉見於軾穀梁傳長狄

蓋長五丈洪範五行傳秦始皇二十六年大人見臨洮身

長五丈脚迹六尺皆夷狄服魏咸熙十二年有大人見襄武長二丈餘脚迹長三尺二寸白

髮黃巾黃單衣拄杖呼民王始語云今當太平魏志本紀

夏默乞活人符堅時為左鎮郎護磨邨胡人符堅以

為右鎮郎申香為拂蓋郎三人皆長一丈八尺多力

善射每食飯一石肉三十斤十六國春秋符健皇始四年

有長人見其長五丈語張靖曰今當太平是月霖雨

河渭泛溢蒲坂津監寇登於河中流得大屍一妻長

七尺二寸祖冲之述異記秦始皇時有人長二十五丈見定

渠秦史胡母敬曰是後五百年外必有異人為大人

者後李雄之祖出自宕渠華陽國志

宋淳熙中姑蘇有唐氏兄妹兩人各長一丈二尺日

啗斗餘詔用為殿前司岳珂程史佛長一丈六尺調達難

陀俱長一丈五尺四寸阿難長一丈五尺三寸國種

貴姓舍夷長一丈四尺其餘皆長一丈三尺佛本行經

日東北極人長九丈博物志西南大荒中有人長一丈

腹圍九尺踐龜蛇戴朱鳥知河海斗斛識山石多少

知天下鳥獸言語凡人見而拜者令人神智西北海

異林 卷之五

異林 卷之五

異林 卷之五

異林 卷之五

外有人長二千里兩脚相去千里腹圍一千五百里日飲天酒五斗不犯百姓不干萬物名曰無路之人

神異經 龍伯國人長三十丈其東得大秦國人長十丈

又東十萬里得洮國人長三丈五尺又東得中秦國

人長一丈河圖龍文 支提國人長三丈二尺洞冥記 王莽時

連率韓博言有奇士長丈大十圍自謂巨母霸出於

蓬萊東南五城西北昭如海瀕輶車不能載三馬不

能勝卧則枕鼓以鐵箸食漢書 國朝成化十九年十二

月二十七日南京大雪有人往金水河旁見雪中大

人足跡長三尺其一步濶一丈三尺沈石田雜記 成化辛

丑蘇州數軍赴崇明還遇風飄至一島有巨人長三

四丈從林中出以藤繫之樹下而復入極力走脫入

舟得免侯甸野記

殊短

仲尼曰僬僥氏長三尺短之至也長者不過十之數

之極也國語 員嶠山有陀移國人長三尺廣延之國人

長二尺王子年拾遺 漢建武中潁川張仲師長一尺二寸

王充論衡 周饒國人短小冠帶注云其人長三尺穴居能

為機巧一曰焦僥東海之外大荒之中有小人國名

曰靖人一曰淨人山海經 東北極有人長九寸詩含西

北荒中有小人長一寸朱衣玄冠西海之外有鶴國

男女皆長七寸行如飛日千里百物不敢犯唯畏海

鵠遇則吞之壽三百歲人在鵠中不死神異經博物志漢武

帝時東郡送一短人長七寸名巨靈漢武故事勒畢國人

長三寸有翼善言語戲笑常飛往日下自曝身熱乃

歸飲丹露為漿洞宣記合州趙鸞奴長二尺餘身如斷

瓠手足各長數寸善入木性好殺戮錄異記魏時河間

王子元家雨中有小兒八九枚墮庭前長六七寸自

言家在河東南為風飄至此五禩組

殊力

夏桀之力別絡伸鈎索鐵欵金推移大犧水殺鼃鼃

陸搏熊羆湯以革車三百乘困之鳴條擒之焦門淮南

子商紂倒曳九牛撫梁易柱以勇力聞天下帝王世紀紂

之臣飛廉惡來力角犀兕勇搏熊虎中黃伯左執太

行之彖而右搏彫虎俱出尸子夏之衰也有推移大犧

之衰也有費仲惡來足走千里手裂虎兕晏子春秋勇士

孟賁水行不避蛟龍陸行不避虎狼發怒吐氣聲響

動天劉向新序衛人夏育力舉千鈞之鼎故東方朔對武

帝云使夏育為陛下鼎官漢書注衛之臣石蕃背負千

二百斗沙而行博物志秦武王有力好戲力士任鄙烏

獲孟詵皆至大官王與孟詵舉鼎絕臏而死秦人族

孟詵史記東海勇士菑丘訢過神泉之水而馬死菑丘

生去衣拔劍而入三日三夜殺二蛟一龍而出雷神

隨擊之十日十夜眇其左目吳越春秋荆有飲飛得寶劍

涉江中流有兩蛟夾統其船飲飛攘臂祛衣拔劍赴

江刺蛟殺之復躍上船荆王聞之仕以執圭呂氏春秋蓋

延叅彤俱有勇力能貫三百斤弓後漢書魏武帝子任

城王曹彰嘗曳虎尾以統臂虎弭耳無聲文帝鑄萬

鈞之鍾置崇華殿前欲徙之力士百人不能動彰乃

負之而趨王嘉拾遺記秦符生力舉千斤手格猛獸走及

奔馬晉書載宋之問父曰令文有神力禪定寺兩牛相

鬪不解令文往接兩牛角而拔之牛頸骨皆折又嘗

戲舉講堂柱起竿太學生衣袂於柱下責之酒而舉

柱出之朝野僉載績溪太徽村汪節儼窠金剛下感得神

力入長安渭橋邊有一石獅子重千斤節提而拔之

丈餘又嘗身負一石碾置二丈方木於碾上木上置

牀牀上坐龜茲樂人一部奏曲終而後下都無壓重

之色唐德宗甚寵惜之欽州圖經劉陽少驍猛甚有勇力

嘗手曳牛尾却行百步三十國春秋國朝末樂中金山衛

指揮同知侯端以膂力聞嘗見府治石狻猊大丈夫許

以腕挈之行十里餘還挈置本處又嘗馳馬過枋交
抱楫上以兩股挾馬腹而懸之陳眉公聞見錄太原民程十

四其先徽州人也身長八尺勇冠一時筋骨皮肉殆
非人類嘗搏得一虎生挾以歸又一虎突至倉卒中

以所挾虎擊之兩碎其首五祿義興有王昌六者身

長七尺齋力絕人每東作時躬背犁以耕遇休耕力

無所用必連拔數樹使其力稍定而後已山有巨蛇

長數丈素為人害一日出樵見此蛇伏草間即提其

尾向空擲之蛇墮地而死都公談纂

奇疾

高辛氏有老婦居王宮得耳疾挑之乃得物大如

婦盛瓠中覆之以盤俄頃化為犬子其文五色因名

盤瓠搜神記吳孫休時烏程有人因重病愈後而能嚮首

言聞十數里外所聞之處如在坐間古今五行記宋元嘉

末長廣人病差而善飯一飯輒長如此數日頭遂出

屋段究為刺史度之長三丈已復漸縮如舊經日而

亡異苑唐時太原少尹之子皇甫及年十四其身暴長

逾時至七尺帶無數圍飲食三倍逾年而死三水續大

曆中邛州州將魏淑膚體洪壯年方四十忽飲食日

損支體日銷未周年縮小如嬰兒不復能行母妻更

相提抱已復漸進飲食體亦漸長半歲乃復其初集

記宋呂縉叔知潁州忽得縮小疾身無痛痒但日見

縮小臨終僅如小兒松滋令姜愚無它疾忽不識字

數年方稍稍復舊沈括筆談劉原父晚年病不復識字雖

日月兒女都不能辨劉敞暇日記祕書丞張鏗嗜酒病身

中分左常苦寒雖暑月中著襪袴而紗綿相半陳後山叢

談 晁文元公晚年常自見其形在前既久漸小八十

後每在眉睫間陳氏書張南軒晚得奇疾虛陽不祕踰

年而卒就斂通身透明藏府筋骨歷歷可數瑩徹如

水晶趙潛漫筆夏文莊公稟賦絕異纔睡即身冷而僵一

如逝者既覺須令人温之良久方能運動陸行則以

兩車載綿帳用數十兩綿為之常服仙茅鍾乳硫黃

莫知紀極沈氏筆談秦人逢氏有子少而慧及壯而有迷

罔之疾聞歌以為哭視白以為黑饗香以為朽嘗井

以為苦行非以為是意之所之天地四方水火寒暑

無不倒錯者列子關中有一妾婦得病視直物皆曲弓

弦界尺之顛視之皆如鈎也筆談

唐末徽中絳州一僧病噎數年不能下食臨終令弟

子剖視胃中得一物似魚有兩頭徧體肉鱗跳躍不

靛音店以
藍染也

須臾化為水矣廣五行記晉時一人與奴俱病心痕奴既

死剖腹視之得一白鼈試以諸藥無所損繫之牀脚

有客乘白馬來溺濺鼈鼈疾走知畏溺也因灌之遂

消滅病者乃頓飲白馬溺升餘豁然病去續搜神記漢末

有病瘕者腹晝夜切痛臨絕勅其子剖視得一銅酒

鎗容數合華陀聞之往視出藥投之鎗化為酒曹毗志怪

陳子直主簿妻病腹痕每疾作則腹中有聲如擊鼓

遠聞于外腹消則止一月一作醫莫能知遜齋問覽末州

軍員毛景得應聲病每語輒有物自喉中應醫者歷

試百藥名一一應之至藍草則寂然遂換藍汁飲之

嘔出一肉長二寸人形悉具夷堅志

天寶中隴西李甲調選桂州叅軍熱病旬餘覺左乳

奇痛隆若癰腫一日癰潰有一雉自左乳突出飛去

是夕李卒宣室志建陽陳櫟母年六十餘得饑疾每疾

作時如蟲齧心積三四年後因嚼鹿脯未嚙覺一物

觸喉探而出之如拇指大墜地頭銳而扁顛塌沙魚

身如蝦長八寸夷堅志鎮陽一士人嗜酒常至數斗一

日大醉嘔出一物如舌蠢然而起家人以酒沃之數

升立消乃投火中忽暴裂為十數片由是惡酒遜齋問覽

金州防禦使崔堯封有甥李言吉左目作瘤漸大如

鴨卵根蒂如弦一日大醉剖去之中有黃雀鳴噪而去聞奇錄處士蒯亮言一至戚額角患瘤剖之得一黑石碁子堅如鐵石又一客足脛生瘤為獐犬所齧瘤中出鐵鍼百餘枚稽神錄伶人刁俊朝妻巴姬病瘦如數斛囊時作琴瑟笙磬聲姬欲以刀決之瘦忽自圻一狻躍出而去續玄怪錄國朝末樂中吳城一老父偶治耳中得五穀金銀綺羅諸物甚多最後耳中得一小校椅椅上人長數分彫琢極精後無它異弘正間封門一媪年逾五十令人剔耳於耳中得少絹帛屑每治耳必得物少許絲花粟稻之屬為多七十八歲

乃卒 祝枝山志旌

奇夢

河東賈勣有姿貌義熙中為瑯邪府參軍夢一人求與易頭因許之晨起見者悉走取鏡自照則面杳醜大鼻矐目而多鬚乃還家家人莫不驚避遂自陳說後能半面笑兩手足口各捉一筆俱書辭意皆美幽明錄竟陵劉誕在廣陵左右直眠夢人告曰官須髮為稍旄覺而失髮如此者數十人續異記隋大業初兖州秀才張審通為太山府君召為錄事草奏甚善府君曰與君三耳相謝既覺數日額痒遂踊出一耳用聽

尤聰時人語曰天有九頭鳥地有三耳秀才玄怪錄

徐郎中夢神人攜一籃人鼻來視徐曰形相不薄但

鼻曲而小遂擇籃中一鼻安之曰好一正郎鼻也括異

志夔州道士王法朗生而舌長呼字不正一日夢人

為之剪其舌端覺而語正矣錄異記陶穀少時夢數吏

云奉符換眼君予我十萬為安第一眼又求五萬安

第二眼穀俱不荅吏乃安第三眼覺而臨鏡眼色深

碧相者言好貴人骨法奈何一雙鬼眼蜀遂寧人

岳甲與閩中李某祈夢七曲山梓潼祠兩不相識也

夜夢神語之曰汝兩人皆可貴但身首各不稱耳遂

為易之明各還家妻子驚異後皆登科李代岳為江

源簿其妻窺識是岳之故面也始叙祈夢之事埤雅廣要

宋乾道三年末州文氏女將嫁前兩夕夢黃衣人攝

至官府云此間錯却公案二十年今乃得正有人持

湯一瓮令飲之極腥穢寤則化為男子形體矣夷堅志

再生

鼈靈死於楚尸乃泝流上至汶山下忽復更生入見

望帝立以為相乃鑿巫山開三峽口號曰西州皇帝

蜀記漢獻帝初平中長沙有人姓桓既死棺斂月餘其

母聞棺中有聲開棺出之遂復活集異記漢陳留考城

史姁字威明年少時病死埋之七日瘞上竹枝忽折掘出遂活走至井上浴平復如故後能一宿往返千里考城令江夏鄆賈和欲急知家中消息請姁往省之路三千里再宿還報搜神記漢末有發度遼將軍范明友冢者其奴猶活明友是霍光女壻說瘞立之際多與漢書相應博物志并州刺史畢軌送范明友鮮卑奴年二百五十歲郭頌世語漢人杜錫家墓有婢誤不得出後十餘年開塚祔葬此婢猶生婢年十六姿質如故嫁之生子搜神記漢末關中大亂有發漢時宮人家者宮人猶活既出平復如舊魏郭后愛之錄置宮中

闕漢時宮內事語有次第郭后崩哭泣過禮遂死博物

記漢末武陵婦人李娥年六十病死埋已半月鄰人

蔡仲竊發其塚意在求金而李娥已復活遂出之竊神

秘苑晉廣州太守北海徐玄方一女年十八九病死埋

官署中去官後馮孝將代之馮有兒名馬子夢見此

女云合再生與君為妻乃掘地得之女果復活遣人

報徐聘女為婦後生二男法苑珠林晉武帝時河間有男

女相悅許為配者男從軍積年不歸女家更以適人

尋病死戍者還問女所在具知其事往哭不勝情遂

發冢開棺女即蘇活因負還家將養平復後夫爭之

至讞廷尉斷還開棺者搜神記臨菑縣吏蒸支妻死三

年一日支經岱宗神遊太微宮殿得見天帝賜還故

妻覺而發塚妻果復活列異傳于寶父瑩為丹陽丞有

一寵婢寶母妬之及瑩亡生持此婢納墓中後十餘

年母喪開墓婢伏棺如生言其父恩情如舊載還嫁

之生子五行記後魏孝明帝時菩提寺僧發墓取博得

一人自言博陵人崔涵住城西阜財里死時年十五

今在地下十二年常似醉卧無所食明帝召問訪其

家還之家人疑其鬼拒而不納性畏日不仰視天又

畏水火及兵刀之屬塔寺記梁承聖二年司徒府主簿

柳長卒葬於九江二年因大雨塚壞移葬易棺子褒

見父目開心有暖氣良久更活扶出復三十年乃卒

竈神秘苑寶建德嘗發鄴中一墓開棺見一女婦顏色如

生收養三日乃言是魏文帝宮人隨甄后在鄴死命

當更生年可二十建德甚寵愛之及建德敗唐太宗

將納于宮此婦哭之飲恨而卒神異錄唐貞觀二年陳

雷尉劉全素家于宋州父凱死已三十年因母死啓

塚耐葬見父復活言曰速取東流水為湯浴我已易

衣飲以糜粥神氣漸屬曰吾在幽途蒙署為北鄴主

者三十年考治幽滯以功業得再生也通幽記開元中

鄆陵縣令李仲通一婢死埋園中經三年當去官家人掃地見髮出土中頻掃不去因手拔之此婢隨手而出昏昏如醉家人謂為鬼也以桃湯灌洗經月配與奴為妻生一男二女更十七年乃卒敬篤聽錄元和間博陵崔甲婚蕭氏生一兒蕭卒娶鄭氏有賢德育其子如已出蕭死後十二年託夢于子云當却生可語汝母發吾丘如是者再有一老奴亦夢如是遂試開墳果活說在幽途知鄭撫育之恩蕭鄭因為姊妹共居更十年而終芝田錄唐汝穎人韋諷治地園中見人髮掘深尺餘得一婦云是諷祖女奴名麗容為主母

見婦生埋于此冥司遣還再活在地已九十年廣

行國朝新塗張堯文舉嘉靖辛酉孝廉隆慶元年北

上泊舟淮安患病行抵清河舟幾覆因病悸死胸中

尚有執氣魂飛入神廟中見夢於其兄水部克文令

勿歛相守旬餘漸漸蘇醒言氣纔屬醫人營救累月

乃活施篤臣回生傳

變化

夏桀宮中有女子化為龍不可近俄復為婦人甚麗

而食人桀命之為蛟妾任助述異記商紂四十二年有女

子化為丈夫周宣王三十二年有馬化為人三十七

年有馬化為狐

竹書紀年

周顯王時武都一丈夫化為女

子美而豔蜀王開明納之為妃無何物故蜀王遣五

丁之武都擔土為妃作塚高七丈上有石鏡

華陽周國志

顯王四十七年平周有女子化為丈夫

史記年表

漢哀帝

建平中豫章男子化為女子適人生一子

前漢書

建安

七年越嶲有男子化為女子吳孫皓寶鼎元年丹陽

宣騫母年八十因浴化為鼃躍入潭中

陸勳集異記

晉惠

帝元康中安豐女子周世寧年八歲漸化為男至十

七八而氣性成女體化而不盡畜妻而無子

搜神記

中徐登者本女子化為丈夫與東陽趙昞並善越方

明師事之

水經注

周穆王南征一軍盡化君子為猿為

鶴小人為蟲為沙

抱朴子

牛哀病七日化而為虎其兄

啓戶而入虎搏而殺之

淮南子

東晉時李勢僭號于蜀

宮人張氏有妖容勢寵之一旦化為大斑蛇長丈餘

送入苑中夜復來寢牀下勢懼遂殺之又有鄭美人

亦為勢所寵化為雌虎一夕食勢姬三人未幾勢為

桓溫所殺

獨異志

交州龍編縣功曹左飛曾化為虎數

月還作吏

水經注

唐貞觀中豫章馬孝恭年七十餘織

薄為業一日入南山取白芒花插後為尾化作大虎

旬日又歸為人尋復入山為虎貞觀末年復為人身

而終豫章今古記宋慶元三年袁州鍛鐵人黃念四有女

年十六入市買鹽逢一道人乞錢女解衣帶上兩錢

與之夜夢此道人來謝與藥一九云令爾化為男子

女服之覺小腹痛甚未久遂具男子形體夷堅志紹寧

元年石工采石于馬鞍山山摧而工閉穴中者三年

後采石者發出之喜曰久閉乍風肌膚如裂俄頃不

語化為石人矣太平清話隆慶二年戊辰山西平陽民李

良甫已娶妻不相能患腹痛久之陽道隱而月事行

化為女婦王元美有詩紀其事宛委編萬曆十年河南

浙川田官山有兩狼為人所格殺其一狼作人語曰

我陝西人化為狼苦饑至此奈何殺我時杜有華莊

人啖其肉撫其皮者率皆病死至三十餘人李子田於墘注

筆漢宣城郡守封邵一日忽化為虎食郡民呼曰

封使君因去不復來時人語曰無作封使君生不治

民死食民述異記長沙有民檻捕虎旦而見一亭長在

檻中云昨被縣召誤入于此於是出之化為虎而去

搜神記晉義熙四年東陽郡太末縣吳道宗母化為烏

斑虎夜去數為民患眾共格之負傷還家不能復人

形伏牀而死齊諧記晉太元元年安陸縣師道宣忽發

狂變為虎食人甚眾經年還復為人遂出仕為殿中

令史夜共人語自云嘗化為虎啗人言其姓名同坐者或有食其父子兄弟者號哭執宣送建康獄餓死

之齊諧記

